



JAPAR SIDIK BUJANG (enam dari kanan) bersama Hassan Mohd. Noor (lima dari kiri), Abd Rahim Abu Talib (lima dari kanan) dan Jamal Ahmed Ali Ahmad (tiga dari kanan) melepaskan ikan patin yang bakal dipancing oleh peserta dalam Majlis Pelepasan Ikan di kolam dua, UPM, Serdang, Selangor, semalam.

## Satu tan ikan patin menunggu pemancing

KUALA LUMPUR 17 Okt. - Kira-kira satu tan ikan patin dilepaskan ke kolam Bukit Ekspo, Universiti Putra Malaysia (UPM) sempena penganjuran pertandingan memancing terbuka, Sabtu ini.

Pertandingan memancing tersebut adalah julung kali diadakan oleh UPM dengan kerjasama Kumpulan Utusan bersama Ekspo Pertanian dan Pesta Konvokesyen UPM kali ke-40 yang bakal diadakan pada 21-26 Oktober ini.

Pengarah Taman Pertanian UPM, Prof. Dr. Japar Sidik Bujang berkata, pertandingan itu diadakan bagi berkongsi keindahan alam semula jadi taman tersebut dengan komuniti.

Di samping itu, ia bagi memupuk semangat kekeluargaan melalui aktiviti yang dijalankan iaitu memancing untuk ibu bapa, pertandingan mewarna dan Fun Run untuk anak-anak.

"Dua buah kolam bakal dibu-

ka kepada orang ramai iaitu kolam dua dan tiga yang akan menyediakan pelbagai jenis ikan antaranya rohu, lampam dan tongsan.

"Yakinlah bahawa peserta tidak akan pulang dengan tangan kosong kerana mereka dibenarkan membawa pulang hasil tangkapan yang saiznya kurang daripada 12 inci dan ke bawah, manakala ikan yang besar pula akan dilepaskan semula ke dalam kolam," katanya ketika ditemui semasa Majlis Pelepasan Ikan di sini hari ini.

Yang turut hadir Penolong Ketua Pengarang Kumpulan Utusan, Datuk Hassan Mohd. Noor dan Pengurus Besar Komunikasi Korporat Kumpulan Utusan, Jamal Ahmed Ali Ahmad.

Sementara itu, Timbalan Pe-



UTUSAN MALAYSIA

MINGGUAN MALAYSIA

ngarah Pusat Strategi Korporat dan Komunikasi UPM, Ir. Dr. Abd Rahim Abdul Mutalib berkata, pelbagai hadiah menarik menanti pemenang iaitu wang tunai RM3,000 kepada pemenang pertama, RM2,000 (pemenang kedua) dan RM1,000 (pemenang ketiga) selain pelbagai hadiah saguh serta cabutan

bertuah.

"Dengan yuran pendaftaran RM30, peserta berpeluang membawa pulang hasil tangkapan dan sekiranya bernasib baik mereka dapat menang hadiah lumayan," katanya.

Untuk sebarang urusan pendaftaran dan keterangan lanjut, orang ramai boleh menghubungi urus setia pertandingan di talian 013-266 7011 atau 017-372 7420 atau 013-305 2811.